



**MEMORIA XUSTIFICATIVA DO PROTOCOLO DE COLABORACIÓN
ENTRE O ORGANISMO AUTÓNOMO INSTITUTO DE ESTUDOS DO
TERRITORIO E A FUNDACIÓN EDUARDO PONDAL PARA O
DESENVOLVEMENTO DE ACTIVIDADES RELACIONADAS COA
PROTECCIÓN, XESTIÓN E ORDENACIÓN DA PAISAXE**

O Instituto de Estudos do Territorio é o órgano da Administración autonómica que ten atribuído o exercicio das competencias en materia de análise, estudo e asesoramento en materia de urbanismo e ordenación do territorio, entendéndose comprendida nela a ordenación, protección e xestión da paisaxe.

No mencionado ámbito material, constitúe un dos obxectivos ou funcións o da promoción, deseño, execución e seguimento de programas ou accións e actividades formativas de concienciación para a sustentabilidade dirixidas ao conxunto da sociedade de Galicia e nas súas institucións, públicas e privadas, en especial, mediante a educación e formación nas materias de urbanismo, ordenación do territorio e paisaxe.

Antecedentes: Co gaio da celebración no ano 2016 do centenario do pasamento de Eduardo Pondal, e tomando como referencia o feito de que o seu poema “Os pinos” - con inequívoca alusión á paisaxe- deu letra ao himno galego, a fundación que leva o seu nome centra este ano as actividades conmemorativas entorno á paisaxe que inspirou a obra literaria deste escritor. De aí xurde o común interese entre as partes asinantes para a celebración deste protocolo de colaboración, dentro dos ámbitos de actuación e competencias en materia da paisaxe do Instituto de Estudios do Territorio.

Finalidade: Para os efectos sinalados, tense previsto formalizar coa Fundación Eduardo Pondal o instrumento convencional arriba referido por un período de vixencia que abrangue dende o 19.04.2016 ata o 19.04.2017.

O convenio ten por obxecto definir o marco xeral de colaboración entre o organismo autónomo Instituto de Estudos do Territorio e a Fundación Eduardo Pondal para o



desenvolvemento do conxunto de actividades relacionadas coa investigación e divulgación en materia de paisaxe, en especial no referente ao territorio pondaliano.

Algunha das actividades dirixidas a todo o conxunto da sociedade que poderán ser obxecto de colaboración entre as partes son:

- Organización de cursos, congresos, conferencias, seminarios, certames, xornadas, coloquios, campamentos, actividades educativas, foros de debate, etc, sobre diversos temas relacionados coa paisaxe dende calquera ámbito creativo.
- Realización de estudos, informes ou traballos relacionados coa paisaxe e o territorio.
- Promoción, deseño e execución de accións de concienciación e sensibilización sobre a paisaxe e o territorio dirixidas ao conxunto da sociedade.

O instrumento convencional que se pretende asinar fundaméntase no seguinte:

Segundo o apartado primeiro do artigo 14 da Lei 7/2008 do 7 de xullo, de Protección da Paisaxe de Galicia, a Xunta de Galicia, consonte ao establecido na citada Lei e na consideración da importancia ambiental, cultural, social e económica que posúen as nosas paisaxes como sinal de calidade de vida, promoverá accións de formación, sensibilización e educación dirixidas á sociedade galega en xeral, e aos xestores e usuarios do territorio en particular, que teñan como finalidade a promoción do entendemento, respecto e salvagarda dos elementos que configuran as nosas paisaxes.

Por outra parte, a Fundación Eduardo Pondal, ten por obxecto promover e divulgar a obra do escritor local e de proxección galega de don Eduardo Pondal Abente e a cultura galega en xeral, nos seus máis diversos aspectos e en todas as facetas da cultura universal que incidan no patrimonio cultural de Galicia.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de





aplicación do Texto Refundido da Lei de contratos do sector público, aprobado por Real Decreto Lexislativo 3/2011, do 14 de novembro, con independencia de que, de acordo co previsto no artigo 4.2 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Santiago de Compostela, 2 de xuño de 2016

A directora do Instituto de Estudos do Territorio

Inés Santé Riveira

